



Tuhaayakhaq

Qaritaualiqinikkut Havaktitaukaffuktukhat Aulatjutikhanga Aullaktiqhimalituq

IQALUIT, Nunavut (February 15, 2007) – Nunavut Kavaman aullaktiqtun qaritaualiqinikkut aulatjutikhaqmik talvuuna havaktitaukaffuktukhanik ikayuutigiyanganik avugiigianganic havakhaqhiuktunik havaaqaqtunik havaktitaukaffuktukhani talvani kavamanmi.

“Quviahukpiaqtugut aullaktitiyanganik nuutaamik aulatjutikhaqmik,” uqallaktuq Minista Havaktuliyiyikkutni Louis Tapardjuk. “Atuqhimaapaktugaluuyugut titiqanic taima kayumiituuq munagiluaqnaigtuuqlu taima. Tamna nuutaag aulatjutikhat ayuknaitumik havagianganik uuktuqtunik havaaqaqhiuktunik taimalu nuutaangquqtitihimaagianganik uuktuutait qaritauyakkut taima havakhimaqtilunik ayuihaqhimaaqtaingit havakpaktaingitlu.”

Tamna nuutaag aulatjutikhaq, havakhimayuq ilaqatigiiktilunik talvani Havakviat Havaktuliyiyikkutni, tiguqaqtauhimayuq talvanga Nunavut Nunalaani Ayuikhaqtainganic Naunairutiit Aulatjutaani. Tamna aulatjutikhaq qillaminuag avugiigianganic uuktuqtunik havaanganut angmaumayuq.


“Nuutaanguyut qaritaualiqinikkut havaaqhangit uukturutiit qaritauyaqmi havakniaqtuuq kavamanut havaahaqnik ayuiknainiaqtuuq Nunavummiunut,” uqallaktuq Minista Ilinniaqtuuqliyikkut Ed Picco. “Tamna aulatjutikhaq ikayukniaqtuuq uvaptingnut naunaiyaiyanganic ayuikhautikhaqnic ikayuutikhaqniklu havaaqaqnik pivalliatjutikhaqnic inuknut.”

Tamna aulatjaagut aullaliktuuq talvani Iqalungni taima atuqtaulaaqtinani tamaini nunaptingni. Tapkuat ihumagiyut ilaayumayuq uvuuna havaamut uuktugiaqaqtun qaritauyakkut talvani: gntempjobs.ca.

“Talvunattiaq ukiungani maniit atuqtauvianganic akhuuqnaqtuuq ikayugianganic Nunavunmiutat atugianganic uuktugianganiclu aulayuq havaaqhangit,” uqallaktuq Tapardjuk. “Havaktitaukaffukniq havaamut aulatjutikhaq havagianganic kavamaptingni taima havaamut aullaniaqmat taimalu unaq aulatjutikhat ihuaqhaiyumiqniaqtuuq piyanganic tapfuminga havaaqaqmut.”

Nunalaani qaritaualiqiyanganic pigiaqaqtun talvani Havakhaqhiuqtunik Ayuikhayuq Katimavianganic talvanilu Iqalungni Taiugaliqivikmi havaktingitlu tapkuningani havakvianganic ikayugianqaqtun uuktugumayuq iliugaiyanganic naunaitkutaingit qaritauyaqmut.

-30-

Tuhaaqtitiuni Havakviat hivayaqlugu :
Tara Firth, Havakviat Havaktuliyiyikkutni
 (867) 975.6251

ᐱᓐᓐᓐᓐᓐ ᓐᓐᓐᓐᓐᓐᓐᓐᓐ ᐱᓐᓐᓐᓐᓐᓐᓐᓐᓐ ᐱᓐᓐᓐᓐᓐᓐᓐᓐᓐ ᓐᓐᓐᓐᓐᓐᓐᓐᓐ, ᓐᓐᓐᓐᓐᓐᓐᓐᓐᓐ ᐱᓐᓐᓐᓐᓐᓐᓐᓐᓐ ᐱᓐᓐᓐᓐᓐᓐᓐᓐᓐᓐ
www.gov.nu.ca

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.